



informationen

serbo-kroatisch / bosnisch



Jungwacht Blauring*...

...je sa 31'000 članova najveće katoličko dječije i omladinsko udruženje u Njemačkošvicarskoj. U ovom udruženju mogu se djeca i omladina razvijati. Raznovrsna ponuda aktivnosti poziva ih da dožive nešto novo i da otkriju svoje vlastite sposobnosti.

Udruženje Jungwacht Blauring je povezano sa katoličkom crkvom, ali ipak otvoreno za svu djecu i omladinu nevezano za religiju ili kulturu.

Oko 7'000 dobrovoljnih mladih voditeljica i voditelja zbrinjavaju ukupno 15'000 djevojčica i 10'000 dječaka na nivou župe. Djevojčice mogu sudjelovati u Blauring udruženju, dječaci u Jungwacht. U nekim župama su se Blauring i Jungwacht spojili u Jubla udruženje i djeluju u mješovitim grupama.

Život u Jungwacht Blauring udruženju odigrava se uglavnom u grupama djece istog uzrasta. Sve grupe jedne župe tvore zajedno jednu četu. Voditelji četa, zajedno sa ostalim timom voditelja, planiraju i koordiniraju zajednički život čete, koji se sastoji od brojnih aktivnosti.

Osnovna načela članova Jungwacht Blauring udruženja su:

- biti zajedno
- suodlučivati
- učiti vjerovati
- biti kreativan
- doživjeti prirodu

* udruženje slično izvidžačima

Mi nudimo...

...slobodan prostor, u kome se djeca i omladina mogu razvijati i biti prihvaćeni.

...sadržajno provođenje slobodnog vremena, koje razvija svijest o odgovornosti i omogućuje životna iskustva.

...raznovrsnu ponudu aktivnosti, koju djeca i omladina sami stvaraju i učestvuju u odlučivanju.

...zajedništvo, u kome vjerovanje i rituali igraju važnu ulogu.

...mjesto, gdje djeca i omladina mogu otkriti i doživjeti vlastite sposobnosti bez opterećenosti uspjehom.

...mjesto, gdje djeca i omladina jačaju svoju samosvjest.

...životnu radost i prijatelje.

Grupni časovi...

...su zajednički susreti pojedinih dječijih grupa jedne čete. U određeno vrijeme učestvuje šest do dvanaest djevojčica ili dječaka iste dobi na tim grupnim časovima. Ti se susreti, već prema četi, održavaju sedmično, svake druge sedmice ili mjesečno u različite dane u sedmici.

Svaku grupu djece zbrinjava jedan do tri omladinca voditelja. Oni su ciljno obrazovani za njihov zadatak pun odgovornosti i često su za djecu te grupe uzor i osobe na koju se mogu osloniti.

Voditelji organizuju i sprovode grupne časove na različite načine: biti kreativan, igrati se, zajedno diskutovati, baviti se sportom, istraživati prirodu, ići na izlete, prirediti pozorište, pjevati, plesati, stvarati nešto rukama (basteln), kuhati i još više. Sve to omogućuje djeci raznovrsnu ponudu u slobodno vrijeme, što im i čini zadovoljstvo.

Prigode čete...

...nazivaju se susreti svih grupa djece i voditelja jedne čete. Cijela četa, od najmlađeg do najstarijeg člana poduzima raznovrsne aktivnosti. Učestalost susreta zavisi od pojedinih četa. Često je učestvovanje djece na tim aktivnostima regulisano putem prijave, tako da djeca mogu u tome učestvovati prema raspoloživom vremenu i vlastitoj želji.

Tim voditelja izradi godišnji program, koji se pravovremeno najavi djeci i roditeljima. Te ponude mogu biti raznovrsne, već prema godišnjem dobu: uživanje u sankanju i karnevalsom disku u zimsko doba; turniri igara, razne igre na terenu, misa za majčin dan, vikend u šatoru, ljetno kino, osvrt na logor i uživanje u roštilju u ljetnim mjesecima; Halloweenparti i božić u šumi na kraju godine.

Logori...

...su svake godine vrhunac u Jungwacht Blauring udruženju. Cijela četa odlazi sa svim svojim stvarima dvije sedmice na logorovanje: ljetni, jesenji ili zimski logor. Prenoći se ili u zajedničkoj kući ili u šatorima na logorskom prostoru.

Logorskoj svakodnevničici pripadaju igra i sport, kreativno stvaranje i rad, pjevanje uz logorsku vatru, sadržajni trenutci, dani ugodnih osjećaja, šetnje po prirodi, igre na terenu i mnogi drugi doživljaji, koji dugo ostaju u lijepom sjećanju. Da bi logoru dali što više napetosti, stave voditelji sve djelove programa pod jedan moto. Malo se začudimo kad za vrijeme odmora pirati čekaju na voz, vanzemaljci sjede oko logorske vatre ili indijanci idu u grad u potrazi za blagom...

Većina četa organizuje Blauring-, Jungwacht- i Jublalogor u sklopu ponude mladi + sport kao predmet sport u logoru/ natjecanje u trčanju (Trekking).... Na taj način odgovara program logora siguronosnim odredbama i zahtjevima udruženja mladi + sport. Za uzvrat dobiju čete finansijsku podršku, pomoćna sredstva za pripremu logora, mogućnost obrazovanja, razni materijal na posudbu itd. Te usluge i veliko angažovanje tima voditelja doprinose uspjehu svakog logora!

Tim voditelja...

...se sastoji od grupe mlađih u dobi od 16 – 25 godina. Tim snosi odgovornost za sve aktivnosti u i ostvari značajan preventivni rad. Zbog toga polaze udruženje veliki značaj trajnom i solidnom obrazovanju i usavršavanju voditelja. U saradnji sa udruženjem omladina + sport nudi Jungwacht Blauring udruženje kurseve obrazovanja na kantonalm i saveznom nivou, koje mogu pohađati mlađi različitih uzrasta gdje dobiju osnovu za sadržajan rad sa djecom i omladinom.

Svaki tim voditelja je dio cijele strukture Jungwacht Blauring udruženja i podržan je sa raznih strana. S jedne strane, svaku četu prati jedan trener (Coach) koji je često i sam prisutan. Te osobe, koje imaju puno životnog iskustva i odgovarajuće obrazovanje, su oslonac mlađem timu voditelja. S druge strane četu, kao člana kantonalnog udruženja, dobrovoljno zbrinjavaju kantonalni voditelji i time ona profitira od raznih ponuda obrazovanja, pomoćnih sredstava, savjetovanja itd.

Zahvaljujući njihovom neumornom angažovanju- tim voditelja Jungwacht Blauring udruženja ostvari godišnje preko 3'000'000 sati dobrovoljnog rada- omoguće djeci i omladini (oko 32.000) mnoge nezaboravne časove i doživljaje.

Jeste li zainteresovani za Jungwacht Blauring udruženje?

Kontakt



Dalje informacije

Bundesleitung Jungwacht Blauring
St. Karliquai 12
6004 Luzern

041 419 47 47
info@jubla.ch
www.jubla.ch